



Republic of the Philippines
Department of Education

MAR 06 2023

MEMORANDUM PANGKAGAWARAN
Blg. **015**, s. 2023

BUWAN NG PANITIKANG PAMBANSA 2023

Sa mga: Direktor ng Kawanihan
Direktor ng mga Rehiyon
Tagapamanihala ng mga Paaralan
Pinuno ng mga Pampubliko at Pribadong Paaralan

1. Alinsunod sa itinakdang Proklamasyon Blg. 968 na nilagdaan noong Pebrero 10, 2015, na nagdedeklara sa buwan ng Abril bilang **Buwan ng Panitikang Pambansa** o **National Literature Month** na nagbibigay halaga sa panitikan na nakalimbag sa iba't ibang wika sa Pilipinas na itinuturing na pamanang pangkultura sa mga susunod na henerasyon.

2. Ang tema ng **Buwan ng Panitikang Pambansa 2023** ay Kultura ng Pagkakaisa: Pagpapaalab ng Pagkakaisa sa Pamamagitan ng Panitikan.

3. Kaugnay nitó, malugod kayong inaanyayahan na makilahok sa mga sumusunod na timpalak ng Komisyon sa Wikang Filipino (KWF) bilang pakikiisa sa mahalagang gawaing ito:

- a. **Talaang Ginto: Makata ng Taón 2023.** Ito ay isang patimpalak sa pagsulat ng tula na itinataguyod ng KWF na naglalayong pasiglahin at pataasin ang uri ng panulaang Filipino sa pamamagitan ng pagkilála sa mga batikan at baguhang talino at tinig sa sining ng tula. Dedlayn: **Pebrero 26, 2023, 5:00 nh.**
- b. **Timpalak sa Tulang Senyas 2023.** Ang Timpalak sa Tulang Senyas ay kauna-unahang patimpalak sa pagtula sa pasenyas na paraan. Itinataguyod ito ng KWF na naglalayong kilalanin at bigyang-puwang ang di-matatawarang kakayahan at husay ng mga kababayang kabiláng sa *Deaf Community*, at makapag-ambag silá sa panulaang Filipino ng kanilang obra sa pamamagitan ng pasenyas na pagtula. Dedlayn: **Pebrero 28, 2023, 5:00 nh.**
- c. **Dangal ng Panitikan 2023.** Ito ay ang mataas na pagkilála sa naiambag sa panitikang Pilipino o *lifetime achievement award*. Binibigyang-pagpupugay nitó ang natatanging manunulat na nagpakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa Filipino at ibá pang wikang panrehiyon o panlalawigan. Dedlayn: **Pebrero 26, 2023, 5:00 nh.**

4. Kalakip ng Memorandum na ito ang mga sumusunod na naglalahad ng tuntunin ng mga timpalak:

- Kalakip Blg. 1 : Talaang Ginto: Makata ng Taón 2023,
- Kalakip Blg. 2 : Timpalak sa Tulang Senyas 2023, at
- Kalakip Blg. 3 : Dangal ng Panitikan 2023.

5. Para sa iba pang detalye at impormasyon, maaaring makipag-ugnayan sa **Sangay ng Edukasyon at Networking** (SEN), Komisyon ng Wikang Filipino, sa email komfil@kwf.gov.ph o timpalak.gawad@kwf.gov.ph o sa selfon blg. 0928-844-1349.

6. Hinihiling ang maaga at malawakang pagpapalaganap ng Memorandum na ito.

Alinsunod sa awtoridad na iginawad ng Kalihim:


GINA O. GONONG
Pangalawang Kalihim

Kalakip:
Gaya ng nasasaad

Saggunian:
Wala

Ilalagay sa Palagiang Taluntunan sa ilalim ng mga sumusunod na paksa:

BUREAUS AND OFFICES
CELEBRATIONS AND FESTIVALS
CURRICULUM
LANGUAGE
LEARNING AREA, FILIPINO
SCHOOLS



To authenticate this document,
please scan the QR code



DEPED-OSEC-483392



Republic of the Philippines
Department of Education



To authenticate this document,
please scan the QR code.



DEPED-OSEC-483392

**MGA TUNTUNIN
SA TALAANG GINTO: MAKATA NG TAON 2023**

1. Ang **Talaang Gintô: Makata ng Taón** ay isang patimpalak sa pagsulat ng tula na itinataguyod ng KWF na naglalayong pasiglahin at pataasin ang uri ng panulaang Filipino sa pamamagitan ng pagkilála sa mga batikan at baguhang talino at tinig sa sining ng tula.
2. Bukás ang timpalak sa lahat ng mga Pilipino—babae man o laláki, anumang edad—maliban sa mga kawani ng KWF at kanilang kaanak.
3. Ang entring ipapása ay maaaring alinman sa dalawa, isang mahabang tula na may isang daan (100) o higit pang taludtod, o isang koleksiyon ng sampung (10) maiikling tula (10–12 taludtod) na may magkakaugnay na tema. Kinakailangang may pamagat ang ipapásang koleksiyon. Malayà ang paksà ngunit kailangang tumatalakay sa isang mahalagang paksaing panlipunan sa kasalukuyan. Ang ipapásang mahabang tula o maiikling tula ay malayà (walang tugma at súkat). Maaari ding ialinsunod ang paksà ng kalipunan ng mga tula sa tema ng Buwan ng Panitikan 2023: **“Kultura ng Pagkakaisa: Pagpapaalab ng Pagkakaisa sa Pamamagitan ng Panitikan.”** Isang entri lamang sa bawat kalahok ang tatanggapin ng KWF. Hindi pinapayagan ang maramihang entri.
4. Ang lahok ay kailangang orihinal at nasusulat sa Filipino, hindi salin ng nalathala nang tula, at hindi pa nalalathala sa alinmang publikasyon. Ang sinumang mahúli at mapatunayang nagkasála ng pangongopya ay kakanselahin ng KWF ang ipinagwaging lahok nitó sa timpalak at hindi na muling makasasali pa sa alinmang timpalak ng KWF.
5. Pára sa pagsusumite ng lahok, ilakip sa isang brown envelope ang sumusunod:
 - Apat (4) na kopya ng kompiyuterisadong lahok. Gagamitin ang font na Arial 12 pt, may dobleng espasyo, at may isang pulgadang palugit sa bawat gilid na nakaprint sa short bond paper na may súkat na 8 ½ x 11 pulgada;
 - Kinakailangang magtataglay lámang ng sagisag-panulat (pen name) na kailanman ay hindi pa ginamit at walang kahit anong pahiwatig ng tunay na pangalan ng kalahok;
 - Notaryo na nagpapatunay na orihinal at hindi pa nalalathala ang lahok;
 - **Entri form** (Sagutan, i-print at ilakip); Tingnan ang link na <https://m5.gs/Mj14U3> ;
 - Curriculum vitae at/o bionote ng makata; at
 - Isang 2×2 retrato ng kalahok.



Republic of the Philippines
Department of Education

6. Ipadalá ang lahok sa:

Lupon sa Talaang Ginto 2023
Komisyon sa Wikang Filipino
2/P Gusaling Watson, 1610 Kalye J.P. Laurel,
San Miguel, Lungsod Maynila

7. Ang huling araw ng pagsusumite ng lahok ay sa **26 Pebrero 2023, 5:00 nh.** Hindi na mauurong ang araw ng pagsusumite.
8. Magpapadala ang KWF ng mensahe (text) kung natanggap na ang lahok.
9. Ang mga gantimpala ay ang sumusunod:
Unang gantimpala, PHP30,000 (net) + titulong “Makata ng Taón 2023”, tropeo, at medalya;
Ikalawang gantimpala, PHP20,000.00 (net) at plake;
Ikatlong gantimpala, PHP15,000.00 (net) at plake
10. Ang pasiya ng Lupon ng Inampalan ay pinal at hindi na mababago.
11. Ang lahat ng mga natanggap na lahok ay hindi na ibabalik at angkin ng KWF ang unang opsyon sa paglilimbag ng mga nagwaging akda.
12. Para sa karagdagang detalye, mag-text o tumawag sa 0928-844-1349 o mag-email sa timpalak.gawad@kwf.gov.ph.



Republic of the Philippines
Department of Education



To authenticate this document,
please scan the QR code. DEPED-OSEC-483392

**MGA TUNTUNIN
SA TIMPALAK SA TULANG SENYAS 2023**

1. Ang **Timpalak sa Tulang Senyas** ay kauna-unahang patimpalak sa pagtula sa pasenyas na paraan. Itinaguyod ito ng KWF na naglalayong palaganapin ang FSL bilang tunay na wika, pagsulong sa kultura ng Filipino Deaf sa pamamagitan ng panitikan, kilalanin at bigyang-puwang ang di-matatawarang kakayahan at husay ng mga kababayang Deaf, at makapag-ambag sila sa panulaang Filipino ng kanilang obra sa pamamagitan ng pasenyas na pagtula.
2. Bukás ang timpalak sa lahat ng mga Filipino citizen, anumang edad, na matatas sa FSL, babae man o laláki sa buong mundo, maliban sa kawani ng KWF at kanilang mga kaanak. Maaaring lumahok sa isa sa dalawang kategorya ng timpalak:
 - Bingi o Hard-of-Hearing,
 - Hindi Bingi
3. Ang entring ipapása ay isang tulang senyas na hindi bababa sa dalawampu't apat na taludtod o linya at hindi lalagpas sa apatnapung taludtod o linya. Kinakailangang may pamagat ang ipapásang koleksiyon. Ang paksa ng tula ay salig sa tema ng Buwan ng Panitikan 2023 na **"Kultura ng Pagkakaisa: Pagsisiyasat ng Pagkakaisa sa Pamamagitan ng Panitikan."** Ang ipapásang tula ay malayà (walang tugma at súkat).
4. Ang lahok ay kailangang orihinal at isesenyas gamit ang Filipino Sign Language (FSL), hindi salin ng nalathala nang tula, at hindi pa nasesenyas at nalalathala sa alinmang platform. Ang sinumang mahúli at mapatunayang nagkasála ng pangongopya ay kakanselahin ng KWF ang ipinagwaging lahok nitó sa timpalak at hindi na muling makasasali pa sa alinmang timpalak ng KWF.
5. Ang pamantayan sa pagmamarka ay:

KATEGORYA	BAHAGDAN	PUNTOS
Orihinalidad at Kaangkupan sa Tema Ang tulang senyas ay orihinal at hindi pa nasesenyas o nalalathala sa alinmang platform. Ang gumawa ng tulang senyas at ang sumenyas sa lahok na video ay iisang tao lamang. Ang nilalaman ay sinenyas sa FSL, nagpapahayag ng saloobin at kaisipan, at salig sa tema ng Buwan ng Panitikan 2023 na "Kultura ng Pagkakaisa: Pagsisiyasat ng Pagkakaisa sa Pamamagitan ng Panitikan."	10%	



Republic of the Philippines
Department of Education

Estruktura ng Tula Ang mga taludtod o linya ay magkakaugnay, organisado, at nakapanghihikayat.	10%	
Kawastuan at Kalinawan ng Senyas Ang pagsenyas ng tula gamit ang Filipino Sign Language (FSL) ay wasto at malinaw.	25%	
Pagpapahayag Gamit ang FSL Naipamalas ang kakayahang maipahayag ang tula sa pamamagitan ng malikhaing pagsenyas ng mga kamay at nakahihikayat na ekspresyon ng mukha, at angkop na galaw ng katawan.	50%	
Kahandaan ng Kalahok Ang kalahok ay kakikitahan ng kahandaan at tiwala sa sarili, tamang tindig, at angkop na kasuotan (gaya ng rehiyonal na kasuotan) na tugma sa paksa ng tula.	5%	
Kabuoang Marka	100%	

- Pára sa pagsusumite ng lahok, ilakip sa email ang sumusunod:
 - Isang (1) rekord na video file ng bersiyon ng tula sa FSL at sa format na .mp4 o .mov. I-save ito gamit ang format na: Tulang Senyas_Apelyido_Pamagat_2;
 - Entri form; Tingnan ang link na: <https://m5.gs/NUk0ek>
 - Sertipikasyon o katibayan bilang Deaf na Pilipino;
 - Kung Deaf o Hard-of-Hearing, scanned copy ng PWD ID;
 - Notaryo na nagpapatunay na orihinal ang lahok;
 - Curriculum vitae at/o resume ng kalahok; at
 - Isang 2x2 retrato ng kalahok.
- Ipadalá ang lahok sa gawad@kwf.gov.ph na may subject na: Tulang Senyas_Apelyido_Pamagat_Kategorya.
- Ang huling araw ng pagsusumite ng lahok ay sa **28 Pebrero 2023, 5:00 nh.** Hindi na mauurong ang araw ng pagsusumite.
- Magpapadalá ang KWF ng mensahe (text o email) kung natanggap na ang lahok.
- Ang mga gantimpala ay ang sumusunod:

Kateryorya A – Bingi at/o Hard-of-Hearing:

Unang gantimpala, PHP10,000 (net), plake, at medalya;
Ikalawang gantimpala, PHP7,500.00 (net) at plake; at
Ikatlong gantimpala, PHP5,000.00 (net) at plake.



Republic of the Philippines
Department of Education


Kategorya B – Hindi Bingi

Unang gantimpala, PHP10,000 (net), plake, at medalya;
Ikalawang gantimpala, PHP7,500.00 (net) at plake; at
Ikatlong gantimpala, PHP5,000.00 (net) at plake.

11. Ang pasiya ng Lupon ng Inampalan ay pinal at hindi na mababago.
12. Ang lahat ng mga natanggap na lahok ay hindi na ibabalik at angkin na ng KWF ang video, kasama ang unang opsyon sa online publication ng video ng mga nagwaging lahok.
13. Pára sa karagdagang detalye, mag-text o tumawag sa 0928-844-1349 o mag-email sa gawad@kwf.gov.ph.



Republic of the Philippines
Department of Education



To authenticate this document,
please scan the QR code



DEPED-OSEC-483392

**MGA TUNTUNIN
SA DANGAL NG PANITIKAN 2023**

1. Ang **Gawad Dangal ng Panitikan** ay ang mataas na pagkilála sa naiambag sa panitikang Pilipino o *lifetime achievement award*. Binibigyang-pagpupugay nitó ang natatanging manunulat na nagpakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa Filipino at ibá pang wikang panrehiyon o panlalawigan.
2. Bukás ang nominasyon sa mga institusyon at/o manunulat—laláki man o babae—na nakapag-ambag sa pagpapayaman ng panitikan ng Pilipinas. Ang mga ambag ay dapat na nagpapakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa wikang Filipino.
3. Pára sa mga indibidwal, kinakailangang may gulang na hindi bababâ sa apatnapung (40) taón. Pára sa mga samahán, tanggápan, ahensiyang pampamahalaán, at/o pribadong sektor, kinakailangang naestablisa nang hindi bababâ sa limang (5) taón.
4. Mayroong katipunan ng mga akda o gawaing nakapag-ambag sa panitikang Pilipino at mga katutubong wika ng Pilipinas (kinakailangang ilakip sa nominasyon bilang pruweba.)
5. Ang mga nominado ay marapat na manggaling sa rekomendasyon ng indibidwal o pangkat mula sa labas ng KWF.
6. Pára sa **nominasyon**, ihanda ang sumusunod na kompletong dokumento:
 - **KWF Pormularyo ng Nominasyon** (I-print-sagutan at ilakip) Tingnan ang link na: <https://m5.gs/cUVOVH>;
 - Liham nominasyon na nagsasaad ng buod ng kalipikasyon ng nominadong indibidwal o samahán at nilagdaan ng nagnomina;
 - Curriculum vitae (kung indibidwal) o profayl ng organisasyon (kung samahán); at
 - Mga pruweba sa katipunan ng mga akda na nagpapakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa wikang Filipino.
7. Iilagay sa isa o higit pang long brown envelope ang mga tinukoy sa bilang 6 at ipadala sa adres na nása ibaba:

Lupon sa Gawad Dangal ng Panitikan 2023

Komisyon sa Wikang Filipino
2/P Gusaling Watson, 1610 Kalye J.P. Laurel,



Republic of the Philippines
Department of Education

San Miguel, Lungsod Maynila

8. Ang huling araw ng pagpapása ng nominasyon ay sa **26 Pebrero 2023, 5:00 nh.**
9. Ang tatanghaling Dangal ng Panitikan 2023 ay tatanggap ng naturang gawad sa iginagayak na programa ng KWF sa Araw ni Balagtas, **3 Abril 2023.**
10. Pára sa ibá pang detalye, tumawag o mag-text sa 0928-844-1349 o magpadalá ng email sa timpalak.gawad@kwf.gov.ph.